

Албан бичиг солилцооны дундын системд холбогдох заавар

Албан хэрэг хөтлөлтийн систем хөгжүүлэгдэг, боловсруулдаг хувь хүн хуулийн этгээд нь Цахим хөгжил, харилцаа, холбооны яамд албан бичиг солилцооны дундын систем ашиглах, үйлчилгээ үзүүлэх хүсэлт гаргах

Цахим хөгжил, харилцаа холбооны яамтай гэрээ байгуулна.

"И-Монгол академи" УТҮГ"-аас албан бичиг солилцооны дундын системд холбогдох эрхийг олгоно.

Төрийн байгууллага, хувь хүн, хуулийн этгээд нь ЦХХЯ-тай гэрээ байгуулсан албан хэрэг хөтлөлтийн системийг ашиглан албан бичгээ солилцоно.

Засгийн газрын 2022 оны 196 дугаар тогтоолоор батлагдсан "Үндсэн системийн үйл ажиллагааг зохицуулах, систем ашиглаж үйлчилгээ үзүүлэх, мэдээлэл солилцох журам"-аас

Хоёр.Төрийн байгууллага, хүн, хуулийн этгээд үйлчилгээ авах талаар хүсэлт гаргах

2.1.Төрийн байгууллага, хүн, хуулийн этгээд (цаашид "хүн, хуулийн этгээд" гэх) нь суурь болон төрөлжсөн мэдээллийн сангийн мэдээлэлд үндэслэн үндсэн болон дэмжих системээр дамжуулан үйлчилгээ авах хүсэлтийг цахим хөгжил, харилцаа холбооны асуудал эрхэлсэн төрийн захиргааны төв байгууллага (цаашид "яам" гэх)-д цаасан, эсхүл цахим хэлбэрээр хүргүүлнэ.

2.2.Энэ журмын 2.1-д заасан хүсэлтэд дараахь мэдээллийг тусгана:

2.2.1.хүсэлт гаргагч хүний овог, нэр, иргэний бүртгэлийн дугаар, эсхүл регистрийн дугаар, хуулийн этгээдийн нэр, регистрийн дугаар, хаяг, холбоо барих мэдээлэл;

2.2.2.хүсэлт гаргагч хүн, хуулийн этгээдийн холболт хийж үйлчилгээ авахыг хүссэн үндсэн болон дэмжих системийн нэр;

2.2.3.хүсэлт гаргагч хүн, хуулийн этгээд үндсэн болон дэмжих системийг ашиглах зориулалт.

Гурав.Хүн, хуулийн этгээдийн хүсэлтийг хүлээн авах, шийдвэрлэх, хариу өгөх

3.1.Яам нь хүн, хуулийн этгээдийн хүсэлтийг хүлээн авч, энэ журмын 3.3 дахь хэсэг болон дор дурдсан шаардлагыг хангаж байгаа эсэхийг шалгасны үндсэн дээр ажлын 10 өдөрт багтаан хариуг хүргүүлнэ:

3.1.1.хүн, хуулийн этгээдийн холболт хийж авахыг хүссэн үйлчилгээ нь Академийн хариуцаж байгаа цахим хуудас (developer.хур.gov.mn)-д байрших "ХУР" системээс үзүүлэх боломжтой үйлчилгээний жагсаалтад багтсан байх;

3.1.2.системд холбоход тавигдах техникийн нөхцөл, шаардлагыг хангасан байх.

3.2.Энэ журмын 3.1.2-т заасан техникийн нөхцөл, шаардлагад аюулгүй байдлын шаардлагыг тусгана.

3.3.Яам нь энэ журмын 3.1-д заасан хугацаанд Дата төв, Академиас системд холболт хийхэд шаардлагатай техникийн нөхцөл, шаардлагыг хангасан эсэх талаар дүгнэлт авна.

3.4.Энэ журмын 3.1-д заасны дагуу хүн, хуулийн этгээдэд хүргүүлэх хариу нь дараахь хэлбэртэй байна:

3.4.1.хүсэлтийг хүлээн авч гэрээг байгуулах талаар хариу мэдэгдэх;

3.4.2.хүсэлтийг үндэслэл бүхий тайлбарын хамт буцаах.

3.5.Энэ журмын 3.4-т заасан хүсэлтийн хариуг цаасан, эсхүл цахим хэлбэрээр хүргүүлнэ.

Дөрөв.Хүн, хуулийн этгээдтэй гэрээ байгуулах

4.1.Энэ журмын 3.4.1-д заасны дагуу гэрээ байгуулах тухай мэдэгдлийг хүлээн авсан хүсэлт гаргагч нь ажлын 5 өдөрт багтаан энэ журмын хавсралтаар баталсан загвар гэрээний төсөлд гарын үсэг зурж, яаманд ирүүлнэ.

4.2.Энэ журмын 4.1-д заасан гэрээний төслийг цахимаар ирүүлэх тохиолдолд тоон гарын үсгээр баталгаажуулж ирүүлнэ.

4.3.Яам нь гэрээний төслийг хүлээн авснаас хойш ажлын 5 өдөрт багтаан гарын үсэг зурж баталгаажуулан, хүсэлт гаргагчид хувийг хүргүүлнэ.

4.4.Яам нь энэ журмын 4.3-т заасан гэрээний хуулбарыг Дата төв, Академи болон Тагнуулын байгууллагад хүргүүлнэ.

4.5.Яам нь гэрээний бүртгэлийн санг хөтөлж, хадгалалт хамгаалалтыг хариуцаж ажиллана.

4.6.Гэрээний хугацаа 3 жил байх бөгөөд гэрээг цуцлах талаар хүн, хуулийн этгээдээс хүсэлт ирүүлээгүй тохиолдолд гэрээг анх байгуулсан хугацаагаар нэг удаа сунгана.

4.7.Хүн, хуулийн этгээдийн гэрээний төлбөрийг Дата төв, Академи энэ журмын 6 дугаар хавсралтаар баталсан зардал тооцох аргачлалын дагуу тооцох бөгөөд яам хяналт тавина.

4.8.Төрийн байгууллага болон хуульд заасны дагуу гэрээний үндсэн дээр төрийн тодорхой чиг үүргийг гүйцэтгэж байгаа этгээдийн үндсэн систем болон албан бичиг солилцооны дундын систем, төрийн үйлчилгээний нэгдсэн системээр дамжуулан авах үйлчилгээ нь үнэ төлбөргүй байна.

4.9.Яам нь энэ журмын 5.1.5, 6.1.3-т заасны дагуу гэрээ цуцлах талаар Дата төв, Академиас ирүүлсэн саналыг хүлээн авч ажлын 3 өдөрт багтаан шийдвэрлэнэ.